



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Adversvs Omnia Catabaptistarvm Prava Dogmata Heinrychi Bullingeri lib. IIII**

**Bullinger, Heinrich**

**Tigvri, 1535**

**VD16 B 9759**

In adflictione orandum

**urn:nbn:de:hbz:466:1-35433**

aliquando res tentanda erit, nihil apud tyrannos uerbis efficies. Mox ut eorum tyrannidem & flagitia taxas, incandescunt, minantur, capiunt, in uincula coniciunt, proscribunt, in exilium deportari iubent, interficiunt denique pios. His rebus neque pietati, neque iustitiae, neque bonis consultum est. Non est ergo quod huic morbo succurras, nisi tumultu & gladio, ut è medio tollantur impij. IOIADA. Quod coram hominibus impossibile uidetur, coram deo possibile est. Hoc ergo tam arduum & graue negotium ardentissimis precibus deo committi debet. Is enim dicit: Mihi uindictam & ego retribuam. Certissimum autem est, quod deus suos nunquam deserit, nec ope sua destituit quicumque sincero corde, & uera fide eum inuocauerint, Lucae 18. SIMON. Sed nimis sero plarisque succurrit. IOIADA. Qui uere pij sunt, ijs nihil maturius, nihil serius uidetur, quod operatur deus. Grato animo suscipiunt quaecumque pius pater dat, siue leta sint siue tristia, semper se in manu clementissimi patris sciunt sitos esse, è qua nemo eos eripere potest. In hunc patrem pientissimum se totos committunt, uoluntati eius se totos resignant, memores illius quod Petrus dicit: Nouit dominus è tentatione eripere pios, iniustos autem in diem iudicij puniendos seruare. Item illud Dauidis: Non uidi iustum derelictum. Item Pauli dictum: Non sinit nos tentari supra id quod

*p. Synon. ex.  
fortitudo  
auicba p. in mil.  
lus x. p. t. r. o. r. t.*

*In afflictione  
ne oradum.*

*Vere pijs grato  
animo suscipiunt  
quaeque pius pater  
dat siue leta sint  
siue tristia*

Quomodo  
in afflictio-  
ne agendum  
pijs.

possumus, & facit cum tentatione exitum & c. Omnia  
no suos asserit deus. Aut enim corda tyrannorum &  
principū illustrat, ut fauore suos prosequantur, quem  
admodum fecit Pharaoni erga Iosephum, Cyro erga  
Iudeos, Xerxi in Esdram, Artaxerxi in Nehemiam,  
Ahasuero in Mardocheum, Nabuchodonosori in Da-  
nielem, ut fideles & pij non nihil respiracionis habe-  
ant. Aut si omnino statutum est tyrannos & impios  
perdere, talibus ac tantis signis id auspiciatur, ut nemo  
de bona uoluntate dei dubitare possit, & rē coeptam  
fausto fine claudit. Si quis iam extra hunc ordinem li-  
berationem meditatatur, quasi ex deo rem coeperit, tan-  
tum efficiet, quantum Ismaël cōtra Babylonios in in-  
terfectione Godoliæ 4. Regum 25. & Hierem. 40. Sed  
age exempla quedam ex armamētario scripturarum  
proferemus, quibus manifestum fiet, & qua ratione  
deus suos liberet, & quā infeliciter tentetur ab his  
qui audacia & tumultu contra dei uoluntatem eua-  
dere conantur. Populus Israël in Aegypto aliquot se-  
culis seruiuerunt, uarijs laboribus pressi, grauitēq; ad-  
flicti: super hæc coacti sunt uidere ut nati pueri in Ni-  
lo à partu mergerentur. Mox ut ad dominū uero cor-  
de clamare coeperunt, exauditi sunt à domino. Mosen  
enim misit qui dux esset & liberator populi. Suos per  
mare sicco pede transduxit, Pharaonem cum suis in  
profundo pelagi submersit. Exodi 14.

Saul